

Novi strateški smjer u PLIP-u: šefovi misija međunarodnih organizacija u BiH zahtijevaju kraj selektivnoj provedbi imovinskih zakona

Viši zamjenik visokog predstavnika, Gerhard Enver Schrömbgens, šef misije OSCE-a, Robert Beecroft, zamjenik šefa misije UNHCR-a, Udo Janz, izvršni direktor CRPC-a, Steven Segal i šef civilnih poslova UNMIBH-a, Jaqueline Grinberg, objavili su danas novi strateški smjer za potpunu provedbu imovinskih zakona do kraja 2003.god.

Sedam godina nakon potpisivanja Daytonskog mirovnog sporazuma, za 110.000 porodica još uvijek je uskraćeno pravo na povrat njihovih domova u Bosni i Hercegovini.

Postalo je jasno da razlog za ovako rasprostranjeno kršenje ljudskih prava predstavlja selektivno provođenje imovinskih zakona. Imovinski zakoni se ne provode na jedinstven, efikasan i transparentan način. Čak i u nekim od općina koje postižu najbolje rezultate na polju provedbe imovinskih zakona, lokalni zvaničnici još uvijek krše zakon kako bi privilegiranim grupama – kao što su sudije, političari, policija i borci – omogućili da i dalje na nezakonit način ostanu u domovima drugih ljudi. Mnogi lokalni organi vlasti na cijelom teritoriju zemlje još uvijek ne ispunjavaju svoje zakonske obaveze koje se odnose na iznalaženje alternativnog smještaja, a onda taj propust koriste kao izgovor da odbiju ispuniti svoju zakonsku obavezu deložacije privremenih korisnika u skladu sa zakonskim rokovima.

Ova selektivna implementacija imovinskih zakona mora odmah

prestati. Vlasti moraju osigurati da svi predratni vlasnici ili nosioci stanarskih prava blagovremeno uđu u posjed svoje imovine na koju su podnijeli zahtjev i da dobiju jednak tretman u obradi svojih imovinskih zahtjeva. Šefovi misija međunarodnih organizacija u BiH su ponovili da

- Sve deložacije moraju biti sprovedene uz strogo poštivanje zakonskih rokova, vlasti se ne smiju kriti iza svojih propusta da osiguraju alternativni smještaj
- U interesu zakonitosti, efikasnosti, transparentnosti i pravičnosti svi slučajevi moraju biti obrađeni hronološkim redosljedom osim posebnih kategorija podnosilaca zahtjeva navedenih u zakonu;
- Svi identificirani dvostruki/ višestruki korisnici trebaju odmah napustiti imovinu koju koriste;

Kao dio nove strateške direktive za implementaciju imovinskih zakona šefovi misija međunarodnih organizacija u BiH će nastaviti da svaki slučaj odstupanja od striktne provedbe imovinskih zakona smatraju obstrukcijom pune implementacije Aneksa 6 i 7 Daytonskog mirovnog sporazuma.